



UNIVERSITÄTS-
BIBLIOTHEK
PADERBORN

Universitätsbibliothek Paderborn

Conciliorvm Omnivm Generalivm Et Provincialivm Collectio Regia

Ab anno DCCCLXXII. ad annum DCCCCIX.

Parisiis, 1644

Epistola CCXXVI. Ioannis Papae VIII. Ad Theodoricvm, Heodicvm, &c.
Ostendit mulierem, quae vi, minisque coacta religiosum habitum
susceperat, ad vota seruanda non teneri; huius tamen causam illis ...

urn:nbn:de:hbz:466:1-15967

EPISTOLA CCXXVI.

IOANNIS PAPÆ VIII.

AD THEODORICVM, HEODICIVM, &c.

Ostendit mulierem, quæ vi, minisque coacta religiosum habitum susceperat, ad vota seruanda non teneri; huius tamen causam illis definiendam committit. Quod si qua oriatur difficultas, eos vel eorum legatos cum ipsa muliere ad se venire iubet.

*Theodorico Teatino, Heodicio Firmano, Ioanni Aprutiensi,
& Helmoino Pinnensi episcopis.*

QVÆDAM vestrarum diœceseon femina, nomine Theoderona de Viuelata, relicta quondam Trefigii, sedem apostolicam, nostrumq; simul pontificium adiens, quæstæ est nobis, quod viro suo defuncto, velamē sibi sacri habitus ab eiusdem viri sui fratris dumtaxat germani vi, non scilicet dilectione vitæ spiritualis, sed ambitione prædiorum ducti, impositum fuerit, & ipsa plurimum renitens contra propriam sponsonem, pollicitationem, expetitionem, electionem, propositum, votum, atque spontaneum iudicium sine benedictione sacerdotis idem velamen susceperit. Cuius professionem coram coepiscopis & fratribus nostris conferentes, inquisiuimus etiam idoneos viros Oteramum, Scattoinum, Erfemariū, Amedeum & Cerisium, vicinos scilicet ipsius feminae, qui casu præsentés aderant, vtrum se ita res haberet, an non. Sed illi non solum ita fuisse testificati sunt, verum etiam parati extiterunt omnem super hanc causam satisfactionem præmittere. Nos igitur habentes eundem quem & patres nostri spiritum fidei, & per gratiam Christi, zelum iustitiæ, eadem super legitime velatis quæ & illi sentimus, eademq; omnino decernimus; & quod non propria voluntate, non arbitrio, non voto, non expetitu, vel spontaneo iudicio, quin potius coacte admittitur, cassandum esse sancimus: præcipue cum hæc eadem femina non nisi minis perterrita, plus minus diebus xv. idem velamen gestasse se dixerit, & nullo sacerdote benedictionem tribuente hoc violenter susceperit. Quod licet ad huius absolutionem sufficere posse speremus: quia si ita est, totius violentiæ ac necessitatis vinculis absoluta,

Concil. Tom. 24.

L I

suum licenter & impune sequi debet arbitrium, & quod non elegit, vt perferat, non est cogenda: tamen sanctitati vestra committimus, vt in vnum conuenientes, ipsius feminae causam secundum Deum discutiatis, & omnem super hac querimonia veritatem subtili indagacione reperientes, ad liquidum finiatis. Verumtamen dignum non esse sancimus, vt iugum, cui non suo proposito mota, sed ambitione & violentia oppressa subacta est, portare cogatur: quia & sanctus papa Gregorius in epistola ad Athanasium presbyterum Isauriae, inter cetera ita refert: *Quamquam ea quae vi impulsione fiunt, Canonum minime censura recipiat, & iure habeantur infirma: quia ipse ea dissoluit, qui iniustum fateri compellit, sed magis illa est suscipienda & amplectenda confessio, quae ex spontanea monstratur voluntate procedere. Et rursus scriptum est: Voluntarie sacrificabo tibi. & alias: Voluntaria oris mei beneplacita fac Domine.* Porro iam fato Ioanni reuerendo Aprutienti antistiti etiam verbis iniunximus, vt ascita vestra fraternitate, omne de hac re negotium vobiscum pariter ventilet, & canonicè, sicut praediximus, diffinire procuraret. Super quo si aliqua ambiguitas fortassis emerferit, tunc iubemus, vt aut vos, aut vestri legati vices vestras agentes, cum eadem femina nostris praesentialiter obtutibus praesententur, vt coram nobis iam diligentius omnis rei veritas inquiratur, & aequitatis regula terminetur. Postremo, si praefatae feminae aliquod inuidiose obiectum crimen quoquomodo fuerit, vos Deo praeculis habito, hoc non admittatis; & si accusator illius in sua obstinatione permanferit, tam accusata, quam accusator in nostram cum vestris pariter missis accelerent properare praesentiam. Verumtamen, si accusator eius defuerit, iam illa crimine illo coram nobis veniens non tenebitur, secundum Carthaginensis Concilii nonum decimum capitulum, ita inquires: Accusator eius si nunquam diebus causae dicendae defuerit, a communione non remoueat: restituto in communione accusato, ipse remoueat a communione accusator. Data xii. Kalendas Decembris, indictione xiiii.

S. Gregorius epist.
lib. 5. epistola 67.

Psal. 53.
Psal. 118.

Concil.
Carth. 3.
cap. 7.

* Athanasium